



Broj: 02-05-31707-8/13  
Sarajevo, 17.12.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **47.** sjednici održanoj **17.12.2013.** godine, donijela je sljedeći

## ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec novembar 2013. godine.
2. Informacija iz tačke 1. ovog Zaključka dostavlja se Skupštini Kantona Sarajevo.

**P R E M I J E R**

**Suad Zeljković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
S A R A J E V O

**I N F O R M A C I J A**  
O KRIMINALITETU, JAVNOM REDU I MIRU I SAOBRAĆAJU NA PODRUČJU KANTONA  
SARAJEVO ZA MJESEC NOVEMBAR 2013. GODINE

---

Sarajevo, decembar 2013. godine

**Informacija je urađena na  
osnovu statističkih  
izvještaja, izvještaja o radu  
i službenih izvještaja  
dostavljenih iz policijskih  
uprava (stanica) i organizacionih  
jedinica  
MUP-a Kantona Sarajevo  
za mjesec novembar 2013. godine.**

## 1. KRIMINALITET

### 1.1. OSNOVNI STATISTIČKI POKAZATELJI STANJA KRIMINALITETA

U mjesecu novembru 2013. godine, na području Kantona Sarajevo registrovano je 498 krivičnih djela<sup>1</sup> što je za 192 ili 27,8% manje u odnosu na isti mjesec prethodne godine (tabela 2,3).

Od ukupnog broja registrovanih krivičnih djela, 352 ili 70,7% izvršeno je od strane nepoznatih, a 146 ili 29,3% od strane poznatih izvršilaca (tabela 1).

Od ukupnog broja krivičnih djela prijavljenih po nepoznatom počiniocu, 162 djela<sup>2</sup> ili 46% naknadno su rasvijetljena, od čega je 76 krivičnih djela iz izvještajnog, a 86 je iz ranijeg perioda (tabela 1).

Iz naprijed navedenog proizilazi da su pripadnici Uprave policije u mjesecu novembru 2013. godine za ukupno 308 krivičnih djela ili 61,8%, identifikovali osumnjičene izvršioce, što je za 6% više u odnosu na isti mjesec prethodne godine (tabela 3).

Zbog postojanja osnova sumnje da su počinili krivična djela prijavljeno je 225 lica (89 manje), od čega je 150 povratnika (54 manje) u izvršenju krivičnih djela (ili 66,7%), šest maloljetnika (24 manje), a 92 lica su lišena slobode (33 manje). (tabela 1).

(tabela 1.) Osnovni statistički pokazatelji kriminaliteta u mjesecu novembru 2013. godine

Broj KD			Broj KD za koja su naknadno identifikovani osumnjičeni izvršioци		Broj prijavljenih lica			Lišeno slobode
Ukupno	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	
498	146	352	162	86	225	6	150	92

(tabela 2.) Pregled kriminaliteta na području Kantona Sarajevo u mjesecu novembru 2013/12. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA	novembar 2013.	novembar 2012.	uporedba br.KD		„rasvijetljenost“	
			+ / -	%	br. KD	%

<sup>1</sup>U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 342 obavijesti (74 manje) o događajima u kojima je pričinjena neznatna materijalna šteta.

<sup>2</sup> Struktura krivičnih djela za koja su naknadno identifikovani osumnjičeni počinioci:

teška krađa – 99 djela, krađa – 21, razbojništvo – 10, oštećenje tuđe stvari – pet, lahka tjelesna ozljeda i nasilničko ponašanje – po četiri, teška krađa u pokušaju – tri, teška tjelesna ozljeda - dva, teška krađa u pomaganju, šumska krađa, izazivanje opće opasnosti, lažno prijavljivanje, napad na službenu osobu u vršenju poslova sigurnosti i povreda mira pokojnika - po jedno djelo.

Protiv života i tijela	12	28	-16	-57,1%	16	133,3% <sup>3</sup>
Protiv slobode i prava čovjeka i građanina	20	16	4	25%	19	95%
Protiv spolne slobode i morala	1	4	-3	-75%	1	100%
Protiv braka, porodice i mladeži	25	25	0	isto	25	100%
Protiv zdravlja ljudi	15	27	-12	-44,4%	15	100%
Protiv privrede, poslovanja i sigurnosti platnog prometa	0	1	-1	---	0	---
Protiv imovine	366	522	-156	-29,9%	177	48,4%
Protiv okoliša	1	2	-1	-50%	1	100%
Protiv opće sigurnosti ljudi i imovine	10	6	4	66,7%	6	60%
Protiv sigurnosti javnog prometa	2	6	-4	-66,7%	2	100%
Protiv pravosuđa	0	4	-4	---	1	---
Protiv javnog reda i pravnog prometa	41	37	4	10,8%	40	97,6%
Protiv podmičivanja i KD protiv službene i druge odgovorne funkcije	0	7	-7	---	0	---
Protiv privrede i jedinstva tržišta te kd iz oblasti carina (KZBiH)	1	0	1	---	1	100%
ZONDINOIM-a (Sl.novine Kantona Sarajevo br.38/07)	4	5	-1	-20%	4	100%
<b>UKUPNO</b>	<b>498</b>	<b>690</b>	<b>-192</b>	<b>-27,8%</b>	<b>308</b>	<b>61,8%</b>

*U mjesecu novembru 2013. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 192 ili 27,8%, i to: u oblasti protiv imovine (za 156 djela), života i tijela (za 16), zdravlja ljudi (za 12), sigurnosti javnog prometa (za četiri) itd., dok je povećanje evidentirano u oblasti protiv slobode i prava čovjeka i građanina (za četiri), opće sigurnosti ljudi i imovine (za četiri), itd.*

(tabela 3.) Pregled prijavljenih i „rasvjetljenih“ krivičnih djela u mjesecu novembru 2013/12. godine po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
novembar 2013. godine	BROJ KRIVIČNIH DJELA	32	145	93	100	85	43	498
	BROJ „RASVIJETLJENIH“ KRIVIČNIH DJELA	24	87	57	76	36	28	308
	PROCENAT	75%	60%	61,3%	76%	42,4%	65,1%	61,8%
novembar 2012. godine	BROJ KRIVIČNIH DJELA	47	163	170	101	132	77	690
	BROJ „RASVIJETLJENIH“ KRIVIČNIH DJELA	37	95	60	75	77	41	385
	PROCENAT	78,7%	58,3%	35,3%	74,3%	58,3%	53,2%	55,8%
Uporedba novembar 2013/12.	+ / - KD	-15	-18	-77	-1	-47	-34	-192
	+ / - „RASVIJETLJENO“ KD	-13	-8	-3	1	-41	-13	-77
	+ / - % „RASVIJETLJENOSTI“	-3,7%	1,7%	26%	1,7%	-15,9%	11,9%	6%

(tabela 4.) Pregled registrovanih krivičnih djela na području Kantona Sarajevo u mjesecu novembru 2013. godine

ČLAN	KZ	Naziv člana	UKUPNO	KD <sup>4</sup>	NN	NI
				498	352	162
172	FBiH	TEŠKA TJELESNA OZLJEDA		7	1	2

<sup>3</sup> Pored „rasvjetljavanja“ svih prijavljenih krivičnih djela iz ove oblasti u izvještajnom mjesecu „rasvjetljena“ su i četiri djela iz ranijeg prioda (tri krivična djela lakih i jedno teških tjelesnih ozljeda)

<sup>4</sup> KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršiooci

173	FBiH	LAHKA TJELESNA OZLJEDA	5	1	4
183	FBiH	UGROŽAVANJE SIGURNOSTI	19	1	0
184	FBiH	NARUŠAVANJE NEPOVREDIVOSTI DOMA	1	0	0
205 BH	BH	KRIVOTVORENJE NOVCA	1	0	0
207	FBiH	SPOLNI ODNOŠAJ S DJETETOM	1	0	0
222	FBiH	NASILJE U PORODICI	24	0	0
222/32	FBiH	NASILJE U PORODICI U PODSTREKAVANJU	1	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	2	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	13	0	0
286	FBiH	KRAĐA	58	49	21
287	FBiH	TEŠKA KRAĐA st 1.tačka a)	205	205	94
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	19	18	13
287/28	FBiH	TEŠKA KRAĐA U POKUŠAJU	4	4	3
287/33	FBiH	TEŠKA KRAĐA U POMAGANJU	1	1	1
289	FBiH	RAZBOJNIŠTVO	39	39	10
289/28	FBiH	RAZBOJNIŠTVO U POKUŠAJU	2	0	0
290	FBiH	UTAJA	4	2	0
293	FBiH	OŠTEĆENJE TUĐE STVARI	17	12	5
294	FBiH	PRIJEVARA	12	6	0
300	FBiH	PRIKRIVANJE	5	0	0
316	FBiH	ŠUMSKA KRAĐA	1	1	1
323	FBiH	IZAZIVANJE OPĆE OPASNOSTI	8	5	1
323/33	FBiH	IZAZIVANJE OPĆE OPASNOSTI U POMAGANJU	1	0	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA	1	0	0
336	FBiH	TEŠKE KRIVIČNA DJELA PROTIV SIGURNOSTI JAVNOG PROMETA	2	0	0
347	FBiH	LAŽNO PRIJAVLIVANJE	0	0	1
358	FBiH	SPRJEČAVANJE SLUŽBENE OSOBE U VRŠENJU SLUŽBENE RADNJE	5	1	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	1
362	FBiH	NASILNIČKO PONAŠANJE	11	6	4
370	FBiH	SAMOVLAŠĆE	1	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	7	0	0
373	FBiH	KRIVOTVORENJE ISPRAVE	10	0	0
374	FBiH	POSEBNI SLUČAJEVI KRIVOTVORENJA ISPRAVE	1	0	0
375	FBiH	OVJERAVANJE NEISTINITOG SADRŽAJA	4	0	0
379	FBiH	POVREDA MIRA POKOJNIKA	0	0	1
ZON.	ZON.	ZONDINOIM (SL. NOVINE KS br.38/07)	4	0	0

## 1.2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

U ovoj oblasti evidentirano je 12 krivičnih djela (16 manje u odnosu na novembar 2012. godine), i to: teška tjelesna ozljeda – sedam (12 manje) i lahka tjelesna ozljeda – pet djela (jedno više).

Za ukupno 16 djela iz ove oblasti identifikovani su osumnjičeni počinioci i zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 20 lica, a pet je lišeno slobode.

Tokom mjeseca novembra sva prijavljena djela iz ove oblasti su rasvijetljena kao i četiri krivična djela iz ranijeg perioda.

### 1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 krivičnih djela (četiri više) - ugrožavanje sigurnosti – 19 i narušavanje nepovredivosti doma – jedno djelo. Za izvršenje navedenih djela prijavljena su 22 lica, a pet je lišeno slobode.

Krivična djela ugrožavanja sigurnosti evidentirana su na području slijedećih općina: Ilidža – šest, Novi Grad - pet, Stari Grad, Centar i Novo Sarajevo – po dva, itd., a počinjena su upućivanjem verbalnih prijetnji, pisanih - prijetećih poruka i sl.

#### 1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je jedno djelo (tri manje) – spolni odnošaj s djetetom, za čije izvršenje je prijavljeno jedno lice, koje je lišeno slobode i uz službeni izvještaj predato nadležnom tužilaštvu.

#### 1.2.4. KRIVIČNA DJELA PROTIV BRAKA, PORODICE I MLADEŽI

U ovoj oblasti evidentirano je 25 djela (isti broj djela) i to: nasilje u porodici – 24 i nasilje u porodici u podstrekavanju – jedno djelo, za čije je izvršenje prijavljeno 25 lica, a 13 je lišeno slobode.

Krivična djela nasilje u porodici evidentirana su na području općina: Ilidža - sedam, Novi Grad – pet, Novo Sarajevo i Vogošća – po tri, Centar i Hadžići – po dva djela, itd.

#### 1.2.5. KRIVIČNA DJELA PROTIV ZDRAVLJA LJUDI

U mjesecu novembru ove godine prijavljeno je 15 krivičnih djela iz oblasti protiv zdravlja ljudi (12 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 13 djela.

Zbog postojanja osnova sumnje da su počinili navedena djela podneseni su službeni izvještaji protiv 16 lica, od čega je devet povratnika ili 56,3%, a devet je lišeno slobode.

- U proteklom mjesecu, službenici Uprave policije su Kantonalnom tužilaštvu Sarajevo podnijeli službene izvještaje protiv M.Asmira (1987) i B.Damira (1984) zbog postojanja osnova sumnje da su u proteklom periodu u više navrata kupovali opojnu drogu ("Marihuanu" i „Speed“) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (neovlašćene proizvodnje i stavljanja u promet opojnih droga)**, te protiv 14 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (posjedovanje i omogućavanje uživanja opojnih droga)**.

(Tabela 5.) Pregled oduzete količine opojnih droga

vrsta opojne droge	novembar 2013. godine	novembar 2012. godine
Marihuana (u gramima)	937	340
Marihuana (paketići)	37	11
Marihuana (JOINT - cigarete)	2	1
Heroin (paketići)	---	35
Amfetamin (paketići)	1	1
Amfetamin (u gramima)	20	---
Pribor sa ostacima droge	9	7

Takođe, podneseno je 13 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. U cilju pronalaženja narkotičkih sredstava izvršen je pregled 16 lica, šest stambenih objekta i većeg broja automobila po usmenim naredbama Opštinskog suda u Sarajevu.

#### 1.2.6. KRIVIČNA DJELA PROTIV IMOVINE

U ovom mjesecu, registrovano je 366 krivičnih djela protiv imovine, što je za 156 djela ili 29,9% manje u odnosu na isti mjesec prošle godine. Među djelima iz ove oblasti najbrojnije su: teške krađe – 224

djela (109 manje), zatim krađe – 58 (devet manje), razbojništvo – 39 (32 manje), oštećenje tuđe stvari – 17 (šest manje), prijevara – 12 (sedam više), utaja – četiri (jedna manje), itd. Rasvijetljeno je ukupno 177 ovih djela ili 48,4% (5,1% više u odnosu na uporedni mjesec).

Objekti izvršenja krivičnih djela teških krađa su: motorna vozila (otuđenja pmv i “provale” u ista) - 103 puta (13 manje), stambeni objekti – 64 puta (52 manje), poslovne prostorije - 52 (23 manje), itd.

U mjesecu novembru ove godine prijavljena su 63 krivična djela teških krađa motornih vozila od čega je 18 ili 28,6% pronađeno i vraćeno vlasnicima (od strane policije MUP-a KS vraćeno je osam vozila, MUP-a RS-a – pet vozila, MUP-a R Crne Gore – jedno i od strane vlasnika pronađena su četiri vozila). Broj teških krađa motornih vozila, u odnosu na uporedni mjesec, smanjen je za 24 ili 27,6%. (tabela 8.)

(Tabela 7.) Pregled broja otuđenih i vraćenih putničkih motornih vozila na području Kantona Sarajevo po policijskim upravama u mjesecu novembru 2013. godine

POLICIJSKA UPRAVA	I PU	II	III PU	IV PU	V PU	UKUPNO
broj otuđenih pmv	13	14	21	15	0	63
broj vraćenih pmv	4	1	6	6	1	18
% vraćenih pmv	30,8%	7,1%	28,6%	40%	---	28,6%

Policijski službenici su tokom mjeseca novembra, zbog postojanja osnova sumnje da su učestvovali u otuđenju motornih vozila, nadležnom tužilaštvu podnijeli službene izvještaje protiv četiri lica (isti broj).

(Tabela 8.) Pregled broja otuđenih motornih vozila na području Kantona Sarajevo po policijskim upravama u mjesecu novembru 2013/12. godine

POLICIJSKA UPRAVA	I PU	II	III PU	IV PU	V PU	UKUPNO	
<b>broj otuđenih vozila–novembar 2013.g</b>	13	14	21	15	0	63	
broj otuđenih vozila–novembar 2012. g.	24	28	15	19	1	87	
uporedba novembar 2013/12. godina	+, -	-11	-14	6	-4	-1	-24
	%	-45,8%	-50%	40%	-21,1%	---	-27,6%

Registrovano je 58 krivičnih djela krađe (devet manje), koje su izvršene 21 put u poslovne prostorije, 16 puta u vozila i na stajališta GRAS-a, 12 puta u stambene objekte, na ulici šest puta, itd., a otuđivani su novčanici, građevinski materijal, tehnička roba, ogrijevno drvo, itd. U mjesecu novembru 2013. godine, evidentirano je 39 krivičnih djela razbojništva (32 ili 45,1% manje), od čega je za 10 ili 25,6% identifikovan osumnjičeni izvršilac (2,6% manje). Ova djela evidentirana su na području slijedećih općina: Centar – 16 (osam manje), Novo Sarajevo – osam (11 manje), Novi Grad – sedam (dva manje), Stari Grad – tri (devet manje), Ilidža – dva (tri manje), itd.

Razbojništva su izvršena prijetnjom upotrebe vatrenog oružja - 20 puta, prijetnjom upotrebe noža - 10 i upotrebom fizičke snage – devet puta, a počinjena su u prodavnicama – 11 puta, u sportskim kladionicama – devet, na ulici -13 puta, vozilima i stajalištima GRAS-a – tri, itd. Otuđivan je novac, mobiteli, putničko i teretno-motorno vozilo, cigarete, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica (14 manje) i svi su povratnici u činjenju krivičnih djela, a šest je lišeno slobode.

Evidentirano je 20 krivičnih djela teških krađa na naročito opasan ili naročito drzak način (17 manje), u kojima su izvršiooci, upotrebom fizičke snage – 18 puta, te verbalnom prijetnjom u dva slučaja,



otimali nakit, novac, tašne i mobitele. Ova djela izvršena su na otvorenom prostoru (ulica, park, GRAS-ova stajališta i sl.) – 18 puta, u sportskoj kladionici i u poslovnom prostoru – po jednom. Tokom mjeseca novembra za ukupno 14 ovih krivičnih djela ili 70% identifikovani su osumnjičeni izvršioци.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv osam lica od kojih su tri povratnika ili 37,5%, a dva su lišena slobode.

#### 1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je deset djela (četiri više) i to: - izazivanje opće opasnosti – osam, nesavjesno čuvanje pasa i drugih opasnih životinja i izazivanje opće opasnosti u pomaganju – po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, a četiri su lišena slobode.

- Krivična djela izazivanja opće opasnosti izvršena su na otvorenom prostoru. U tri slučaja je otvorenim plamenom izazvan požar, u jednom slučaju aktivirana je nepoznata eksplozivna naprava i u četiri slučaja pucano je iz vatrenog oružja. Posljedica izvršenja navedenih djela je nastala materijalna šteta.

#### 1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 41 krivično djelo (četiri više), od čega se najveći broj odnosi na nasilničko ponašanje – 11 djela (sedam manje), krivotvorenje isprave – deset (četiri više), nedozvoljeno držanje oružja ili eksplozivnih materija – sedam (četiri više), sprječavanje službene osobe u vršenju službene radnje – pet (dva više), itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 42 lica, od čega je 19 povratnika ili 45,2%, a 18 je lišeno slobode.

#### 1.3. KRIVIČNA DJELA POČINJENA OD STRANE MALOLJETNIH LICA

U toku mjeseca novembra 2013. godine prijavljeno je **šest maloljetnih lica** zbog osnova sumnje da su učestvovali u izvršenju **sedam krivičnih djela**. U odnosu na isti mjesec prethodne godine, broj prijavljenih maloljetnih učinilaca  **smanjen je za 24 ili 80%**, a broj krivičnih djela koja su izvršili  **smanjen je za 33 ili 82,5%**.

Među prijavljenim maloljetnim izvršiocima, dva su u dobi do 14 godina, tri između 14 i 16 godina, a jedan je u dobi između 16 i 18 godina i svi su prvi put prijavljeni.

Pregled registrovanih krivičnih djela izvršenih od strane maloljetnika po policijskim upravama u novembru 2013/12. godine

POLICIJSKA UPRAVA	MKS	I PU	II PU	III PU	IV PU	V PU	UKUPNO
novembar 2013.	0	2	2	0	3	0	7
novembar 2012.	5	12	6	9	5	3	40
uporedba	-5	-10	-4	-9	-2	-3	-33 ili -82,5%

Maloljetnici su prijavljeni za izvršenje tri krivična djela teške krađe na naročito drzak i opasan način, dva krivična djela nasilničkog ponašanja i po jedno djelo nanošenja lahke tjelesne ozljede i nasilja u porodici.

#### 1.4. OSTALA PROTIVPRAVNA I ASOCIJALNA PONAŠANJA

#### 1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2013. godine registrovan je jedan slučaj aktiviranja minsko-eksplozivnih sredstava (u istom mjesecu 2012. godine dva), tako što je nepoznati učinilac bacio i aktivirao nepoznatu eksplozivnu napravu na krov porodične kuće na području općine Novo Sarajevo, što je izazvalo materijalnu štetu na objektu.

U proteklom mjesecu evidentirane su tri anonimne dojave o postavljenoj eksplozivnoj napravi (jedna manje u odnosu na isti mjesec 2012. godine), za koje je nakon KDZ pregleda utvrđeno da su bile lažne. Dvije dojave odnosile su se na srednje škole na području Kantona Sarajevo, a jedna na BBI centar. Policijski službenici su identifikovali lice koje je uputilo lažnu dojavu o postavljenoj eksplozivnoj napravi u BBI centru, a radi se o Š.S.- rođen 1984. godine iz Konjica, protiv kojeg je podnesen službeni izvještaj nadležnom tužilaštvu zbog postojanja osnova sumnje da je počinio krivično djelo iz člana 183 KZ FBiH (ugrožavanje sigurnosti).

#### 1.4.2. POŽARI

Tokom mjeseca novembra 2013. godine, na području Kantona Sarajevo registrovano je šest požara (osam manje) u kojima je jedno lice poginulo.

Požari su registrovani na području općina: Stari Grad – dva, Novi Grad – dva, Novo Sarajevo i Trnovo - po jedan požar.

Prema statističkim pokazateljima, dva požara su izazvana zbog tehničkih nedostataka, jedan je prouzrokovan namjerno, jedan nehatom, dok uzrok dva požara spada u kategoriju ostalih.

Zbog izazivanja požara nadležnom tužilaštvu su podnesena tri službena izvještaja iz člana 323 KZ FBiH (izazivanje opće opasnosti).

#### 1.4.3. OSTALE AKTIVNOSTI

U mjesecu novembru ove godine, policijski službenici su u sklopu operativnih aktivnosti izvršili pretres 93 lica, 13 stanova, izvršili utvrđivanje identiteta za 31 lice i lišili slobode 11 lica za kojima je bila raspisana potjernica. Takođe, pružena je 51 asistencija i to na zahtjev državnih organa 49, a na zahtjev organa i organizacija javnih ovlaštenja – dvije asistencije.

U cilju dokumentovanja krivičnih djela i identifikacije izvršilaca, izvršeno je 309 uviđaja, pronađena i obrađena 724 traga, u 317 slučaja fotografisano je lice mjesta, 27 puta je skicirano lice mjesta, izvršeno 155 vještačenja, daktiloskopirana 24 lica i po otiscima identifikovana dva lica.

U okviru potražne djelatnosti raspisano je 20 potjernica od strane sudova Kantona Sarajevo, a 19 je obustavljeno. Takođe, zaprimljeno je osam prijava o nestalim licima, a šest je obustavljeno.

U okviru depešnog saobraćaja predate su 2.552 depeše, primljeno 4.947, zatim tranzitirano 927, te putem faksa za područje RS-a, Granične policije i Distrikta Brčko predata 41 depeša, što ukupno iznosi 8.467 komada obrađenih i razmjenjenih depeša.

Za potrebe tužilaštva i drugih nadležnih organa izvršene su 5.584 provjere iz evidencija, na zahtjev građana izdato 360 uvjerenja o njihovoj osuđivanosti ili neosuđivanosti, otvoreno 80 novih dosja i evidentirano 449 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

#### 1.4.4. SAMOUBISTVA

U mjesecu novembru 2013. godine na području Kantona Sarajevo registrovana su četiri samoubistava (jedno manje u odnosu na novembar 2012. godine) i to na području općina Stari Grad – dva, Novo Sarajevo i Novi Grad – po jedno, a izvršena su vješanjem – tri puta i upotrebom vatrenog oružja – jednom. Izvršiocu su tri žene i jedan muškarac, slijedeće dobi: od 30 do 50 godina – dva lica i preko 50 godina – dva lica.

## 2. JAVNI RED I MIR

U toku mjeseca novembra 2013. godine zbog raznih oblika narušavanja javnog reda i mira policijski službenici su uručili/podnijeli ukupno 506 prekršajnih naloga i zahtjeva za pokretanje prekršajnog postupka (naloga-348, zahtjeva-158), što u odnosu na isti mjesec 2012. godine predstavlja povećanje za 65 ili 14,7%. Prekršajne sankcije su preduzete protiv 560 lica (87 ili 18,4% više).


Od ukupnog broja prekršajnih sankcija, 61 se odnosi na lica koja su i ranije činila prekršaje (povratnici), a osam na maloljetna lica. Prema starosnoj strukturi lica koja su činila prekršaje, najbrojniji su oni starosne dobi preko 36 godina (270), zatim između 26 i 35 (152) i između 19 i 25 godina (126), dok je maloljetnih učinilaca prekršaja bilo 12.

Tabelarni pregled broja uručenih prekršajnih naloga i podnesenih zahtjeva za pokretanje prekršajnog postupka za mjesec novembar 2013. godine po policijskim stanicama/odjeljenjima/jedinica

Policijska stanica-odjeljenje-jedinica	Broj prekršajnih naloga	Broj zahtjeva za pokretanje pp	Ukupan broj naloga i zahtjeva
Stari Grad	119	23	142
Centar	96	31	127
Novo Sarajevo	91	14	105
Novi Grad	15	36	51
Ilidža	5	24	29
Hadžići	3	11	14
Vogošća	16	13	29
Ilijaš	2	5	7
Trnovo	0	1	1
Jedinica za saobraćaj	1	0	1
UKUPNO	348	158	506

**Najveći broj prekršajnih sankcija preduzeli su policijski službenici Prve policijske uprave -269 ili 53,2% od ukupnog broja, protiv 291 lica i Druge policijske uprave -105 ili 20,8%, protiv 107 lica, a znatno manje policijski službenici Treće policijske uprave- 51 ili 10%, protiv 51 lica, Četvrte policijske uprave - 44 ili 8,7%, protiv 62 lica i Pete policijske uprave - 36 ili 7%, protiv 48 lica. Jedinica za saobraćaj uručila je jedan prekršajni nalog.**

Grafički prikaz prekršajnih sankcija u toku mjeseca novembra 2013./2012. godine



Posmatrano po policijskim stanicama, najveći broj prekršajnih sankcija preduzele su policijske stanice Stari Grad (142 ili 28%) i Centar (127 ili 25%), što je rezultat pojačanih aktivnosti na sprečavanju prekršaja koji se čine prosjačenjem koje je najizraženije na području ove dvije općine. Tako se od ukupnog broja prekršaja izvršenih na području općina Centar i Stari Grad, 129 ili 48% odnosi na prosjačenje.

**Povećanje** broja prekršajnih sankcija u toku mjeseca novembra 2013. godine u odnosu na isti mjesec prošle godine, imale su:

- PS Stari Grad – za 24 ili 20,3%
- PS Novo Sarajevo – za 31 ili 41,9%,
- PS Novi Grad – za 7 ili 15,9%,
- PS Ilidža – za 15 ili 107%,
- PS Hadžići – za 4 ili 40%,
- PS Vogošća – za 14 ili 93,3% i
- PO Trnovo – za jedan (prošle godine nijedna).

**Smanjenje** broja prekršajnih sankcija imale su:

- PS Centar – za 16 ili 11,2%,
- PS Ilijaš – za 4 ili 36,4% i
- Jedinica za saobraćaj – za 11 ili 91,7%.

Prema broju prekršajnih sankcija, najbrojniji su prekršaji učinjeni **prosjačenjem** - 174 ili 34,4% od ukupnog broja, dok je znatno manje sankcija preduzeto zbog prekršaja učinjenih **tučom** -79 ili 15,6%, **naročito drskim ponašanjem** - 62 ili 12,3%, te **odbijanjem naređenja i omalovažavanjem policijskih službenika** - 43 ili 8,5%. Zbog prekršaja koji su učinjeni svađom, vikom i nepristojnim ponašanjem preduzeto je 16 prekršajnih sankcija, zbog paljenja petardi pet, zbog uživanja opojne droge na javnom mjestu tri i zbog ostalih prekršaja 80 prekršajnih sankcija. Zbog prekršaja utvrđenih Odlukom općinskih vijeća uručena/podnesena su 44 naloga i zahtjeva.

Tabelarni pregled strukture prekršaja iz oblasti javnog reda i mira za mjesec novembar 2013/2012. godine

STRUKTURA PREKRŠAJA	novembar 2013.	novembar 2012.	uporedba
UKUPNO prekršajnih naloga i zahtjeva za ppp	506	441	+65 ili 17,7%
UKUPNO lica	560	473	+87 ili 18,4%
Prekršaji prema Zakonu o prekršajima protiv JRiM:	462	401	+61 ili 15,2%

<b>-Tuče</b>	79	62	+17 ili 27,4%
<b>-Naročito drsko ponašanje</b>	62	51	+11 ili 21,6%
<b>-Odbijanje naređenja i omalovažavanje pol. služb.</b>	43	36	+7 ili 19,4%
<b>-Prosjačenje</b>	174	181	-7 ili -3,9%
<b>-Svađa, vika, nepristojno ponašanje</b>	16	11	+5 ili 45,5%
<b>-Paljenje petardi</b>	5	8	-3 ili -37,5%
<b>-Uživanje opojne droge na javnom mjestu</b>	3	0	+3
<b>-Ostali prekršaji</b>	80	52	+28 ili 53,8%
Ukupno naloga/ zahtjeva prema Odluci o.v. o JRM	44	40	+4 ili 10%

U odnosu na isti mjesec 2012. godine, smanjen je broj prekršaja učinjenih prosjačenjem i paljenjem petardi, dok je u svim ostalim slučajevima došlo do povećanja.

Prema mjestu izvršenja, a na osnovu broja uručenih prekršajnih naloga i podnesenih zahtjeva za pokretanje prekršajnog postupka, najveći broj prekršaja učinjen je **na ulici i na drugim otvorenim prostorima - 436 ili 86,2%**, a znatno manje na ostalim mjestima.

Tabelarni pregled broja prekršaja u mjesecu novembru 2013/2012. godine, prema mjestu izvršenja

MJESTO IZVRŠENJA	NOVEMBAR 2013.	NOVEMBAR 2012.	UPOREDBA
Ulica i drugi otvoreni prostor	436	360	+76 ili 21%
Ugostiteljski objekti	20	23	-3 ili -13%
Sportski stadioni i dvorane	9	10	-1 ili -10%
Vozila javnog saobraćaja	1	1	0
Škole i školska dvorišta	8	3	+5 ili 166,7%
Trgovinske i zanatske radnje	0	4	-4 ili -100%
Ostala mjesta	32	40	-8 ili -20%
UKUPNO	506	441	+65 ili 14,7%

U poređenju sa istim mjesecom 2012. godine, povećan je broj prekršaja izvršenih na ulici i drugim otvorenim prostorima, te u školama i školskim dvorištima, dok je na svim ostalim mjestima smanjen broj prekršaja.

Pored prekršajnih sankcija koje su preduzimate zbog prekršaja izvršenih u ili ispred škola, policijski službenici su u proteklom mjesecu zbog krivičnih djela izvršenih na ovom lokalitetu nadležnom tužilaštvu podnijeli tri službena izvještaja (u novembru 2012. godine šest), i to zbog sljedećih krivičnih djela: lahka tjelesna ozljeda (djelo izvršeno u mjesecu maju ove godine), ugrožavanje sigurnosti (lažna dojava o bombi u školi) i krađa.

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih (kao ni u istom mjesecu 2012. godine), dok su lakše povrijeđena 34 lica (jedno više), među kojima je šest maloljetnika.

Policijski službenici su preduzimali planske i organizovane aktivnosti na osiguranju javnih skupova održanih na području Kantona Sarajevo u toku mjeseca novembra 2013.godine, koji su protekli bezbjedno i bez incidenata. Policijski službenici MUP-a Kantona Sarajevo učestvovali su u osiguranju 192 javna skupa koja su održana u toku mjeseca novembra ove godine (pet ili 2,5% manje u odnosu na isti mjesec 2012. godine), a u 23 slučaja izvršeno je KDZ osiguranje ovih skupova (šest ili 20,7% manje).

U toku mjeseca novembra 2013. godine policijski službenici učestvovali su u osiguranju osam protestnih okupljanja održanih na području Kantona Sarajevo (u istom mjesecu 2012. godine jedan), s tim da su radnici Hidrogradnje održali četiri protestna okupljanja.

### 3. SAOBRAĆAJ

Tokom mjeseca novembra 2013. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom i nastradalim licima i broja povrijeđenih lica. Broj poginulih lica isti je kao u novembru prošle godine.

Evidentirano je 879 saobraćajnih nezgoda (74 ili 9,2 % više), 808 sa materijalnom štetom (73 ili 9,9 % više) i 71 sa nastradalim licima (jedna ili 1,4 % više).

U naselju je registrovano 855 saobraćajnih nezgoda (jedna sa poginulim, 67 sa povrijeđenim licima i 787 sa materijalnom štetom), van naselja 24 nezgode (jedna sa poginulim, dva sa povrijeđenim licima i 21 sa materijalnom štetom).

Evidentirano je 170 saobraćajnih nezgoda na raskrsnicama u naselju, tri na nadvožnjaku, jedna na raskrsnici van naselja i 705 saobraćajnih nezgoda čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec novembar 2013/2012. godina

	novembar 2013	novembar 2012	+,-,%
UKUPNO SAOBRAĆAJNIH NEZGODA	879	805	+ 74 ili 9,2 %
Saobraćajne nezgode sa nastradalim licima	71	70	+ 1 ili 1,4 %
Saobraćajne nezgode sa materijalnom štetom	808	735	+ 73 ili 9,9 %
POGINULO LICA	2	2	isto
- vozači	0	1	- 1
- putnici	0	0	-----
- pješaci	2	1	+ 1 ili 100 %
POVRIJEĐENO LICA	165	74	+ 91 ili 123 %
- vozači	29	40	- 11 ili 27,5 %
- putnici	104	12	+ 92 ili 766,7 %
- pješaci	32	22	+ 10 ili 45,4 %

Najveći broj saobraćajnih nezgoda evidentiran je na području općina: Centar (210) i Novi grad (190). Najveće povećanje broja saobraćajnih nezgoda registrovano je na području općine Centar (za 43 ili 25,7 %), a smanjenje na području općine Stari Grad (za sedam ili 8,7 %).

Tabelarni pregled broja saobraćajnih nezgoda po općinama za mjesec novembar 2013/2012. godina

period	UKUPAN BROJ SAOBRAĆAJNIH NEZGODA PO OPĆINAMA									ukupn o
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2013	73	210	178	190	146	14	6	39	23	879
2012	80	167	163	179	133	12	3	44	24	805
+,-,%	- 7 ili 8,7 %	+ 43 ili 25,7 %	+ 15 ili 9,2 %	+ 11 ili 6,1 %	+ 13 ili 9,8 %	+ 2 ili 16,7 %	+ 3 ili 100 %	- 5 ili 11,4 %	- 1 ili 4,2 %	+ 74 ili 9,2 %

### 3.1. POSLJEDICE SAOBRAĆAJNIH NEZGODA

Tokom mjeseca novembra 2013. godine, u saobraćajnim nezgodama na području Kantona Sarajevo 167 lica je nastradalo (91 ili 119,7 % više). Dva lica su poginula<sup>5</sup> (isto), dok je 165 lica povrijeđeno (91 ili 123 % više), 25 teže i 140 lakše.

Među povrijeđenim licima evidentirano je:

- 29 vozača (11 manje)
- 104 putnika (92 više)<sup>6</sup>
- 32 pješaa (10 više)

Tabelarni pregled nastradalih lica u saobraćajnim nezgodama po kategoriji učesnika za mjesec novembar 2013/2012. godina

	POGINULO			TEŠKO POVRIJEĐENO			LAKŠE POVRIJEĐENO		
	nov. 2013	nov. 2012	+,-,%	nov. 2013	nov. 2012	+,-,%	nov. 2013	nov. 2012	+,-,%
VOZAČI	0	1	- 1	2	9	- 7 ili 77,8 %	27	31	- 4 ili 12,9 %
POTNICI	0	0	----	11	2	+ 9 ili 450 %	93	10	+ 83 ili 830 %
PJEŠACI	2	1	+ 1 ili 100 %	12	7	+ 5 ili 71,4 %	20	15	+ 5 ili 33,3 %
UKUPNO	2	2	isto	25	18	+ 7 ili 38,9 %	140	56	+ 84 ili 150 %

Kada je u pitanju stepen povreda, dva vozača su teže, a 27 lakše povrijeđeno, 11 putnika je teže, a 93 lakše povrijeđeno, dok je 12 pješaka teže, a 20 lakše povrijeđeno.

Najveći broj povrijeđenih lica registrovan je na području općine Novo Sarajevo – 87 (osam teže i 79 lakše).

Posljedice saobraćajnih nezgoda po policijskim upravama/stanicama za mjesec novembar 2013/2012. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		nov. 2013	nov. 2012	uporedba	nov. 2013	nov. 2012	uporedba	nov. 2013	nov. 2012	uporedba
I PU	Stari grad	0	0	-----	0	0	----	5	3	+ 2 ili 66,7 %
	Centar	0	0	-----	6	3	+ 3 ili 100 %	8	17	- 9 ili 52,9 %
II PU	Novo Sarajevo	0	0	-----	8	2	+ 6 ili 300 %	79	11	+ 68 ili 618,2 %
III PU	Novi Grad	2	2	isto	3	6	- 3 ili 50 %	16	9	+ 7 ili 77,8 %
IV PU	Ilidža	0	0	---	2	3	-1 ili 33,3 %	17	11	+ 6 ili 54,5 %
	Hadžići	0	0	-----	0	0	-----	3	0	+ 3
	Trnovo	0	0	-----	2	0	+ 2	1	0	+ 1
V PU	Vogošća	0	0	-----	3	2	+ 1 ili 50 %	4	4	isto
	Ilijaš	0	0	-----	1	2	- 1 ili 50 %	7	1	+ 6 ili 600 %
UKUPNO		2	2	isto	25	18	+ 7 ili 38,9 %	140	56	+ 84 ili 150 %

Starosna struktura lica povrijeđenih u saobraćajnim nezgodama je sljedeća: od 51 do 65 godina – 22 lica, od 25 do 30 godina – 19 lica, od 18 do 20 godina – 17 lica, itd.

<sup>5</sup> Dana 16. 11. 2013. godine, na raskrsnici magistralnog puta M 17 i ulice Avde Palića (općina Novi Grad), poginuo je K. B. (65) – pješak.

Dana 30.11.2013. godine, na tramvajskom kolosijeku na raskrsnici ulica Bulevar Meše Selimovića i Srđana Aleksića (općina Novi Grad), poginula je NN ženska osoba – (pješak).

<sup>6</sup>U sudaru dva tramvaja, 01.11.2013. godine, na području općine Novo Sarajevo, povrijeđeno je 78 putnika, od kojih sedam teže.

Prema kategoriji puta, najveći broj saobraćajnih nezgoda registrovan je na ulicama u naselju – 661 nezgoda u kojoj su 144 lica nastradala (jedno lice poginulo, 143 lica povrijeđena), zatim na magistralnim putevima – 87 nezgoda u kojima je 10 lica nastradalo (jedno lice poginulo, devet lica povrijeđeno), na lokalnim putevima – 80 nezgoda (sedam lica povrijeđeno), na regionalnim putevima – 18 nezgoda (tri lica povrijeđena) i na putevima koji se ubrajaju u kategoriju ostalih – 33 saobraćajne nezgode (tri lica povrijeđena).

### 3.2. UZROCI SAOBRAĆAJNIH NEZGODA

Od ukupno 879 uzroka saobraćajnih nezgoda, 163 su bila zbog neprilagođene brzine (dva lica poginula, 36 lica povrijeđeno), 16 zbog uticaja alkohola (pet lica povrijeđeno), dok uzroci za 700 saobraćajnih nezgoda spadaju u kategoriju ostalih (124 lica povrijeđena).

Evidentirano je 12 saobraćajnih nezgoda (devet više), u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastradalih lica. Takođe, evidentirana je jedna nezgoda u kojoj je učestvovao pripadnik Granične policije i jedna u kojoj je učestvovao pripadnik OSA-e (bez nastradalih lica).

Evidentirane su 33 saobraćajne nezgode (devet više) u kojima su učestvovali inostrani vozači i tri nezgode (devet manje) u kojima su učestvovali vozači diplomatskog kora (bez nastradalih lica).

### 3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec novembar 2013 /2012. godine

	novembar 2013/2012	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2013	22.463	3.651	2.983	5.948	3.597	2.166	4.118
	2012	22.349	2.387	2.424	6.921	3.920	2.028	4.669
broj uručenih prekršajnih naloga	2013	13.729	3.185	2.134	719	986	1.134	5.571
	2012	12.988	1.973	1.354	925	803	750	7.183
broj zahtjeva za p.p.p.	2013	18	7	0	0	4	1	6
	2012	11	4	2	0	1	3	1
broj isključenih vozila iz saobraćaja zbog tehničke neispravnosti	2013	4	0	1	0	0	0	3
	2012	50	7	2	3	0	1	37
broj vozača zatečenih da upravljaju vozilom pod dejstvom alkohola	2013	439	115	99	10	23	68	124
	2012	486	117	70	26	16	43	214
broj vozača zatečenih da upravljaju vozilom bez korištenja sig. pojasa	2013	1.167	124	268	54	156	165	400
	2012	1.268	81	270	45	154	182	536
broj vozača zatečenih da upravljaju vozilom bez položenog vozačkog ispita	2013	218	65	37	16	22	20	58
	2012	234	73	36	13	27	8	77
broj vozača zatečenih da upravljaju vozilom pod izrečenom zaštitnom mj.	2013	0	0	0	0	0	0	0
	2012	0	0	0	0	0	0	0
broj vozila otkrivenih da učestvuju u saobraćaju bez važeće registracije	2013	212	42	32	14	23	34	67
	2012	187	30	16	23	28	17	73

Tokom mjeseca novembra 2013. godine, kontrolisana su ukupno 22.463 vozila (114 više), 6.906 lica u vozilima (706 više), izvršen je pregled 649 vozila (259 više) i 539 lica u vozilima (205 više).



Zbog tehničke neispravnosti iz saobraćaja su isključena četiri vozila (46 manje), 439 vozača je zatečeno da upravljaju vozilom pod dejstvom alkohola (47 manje), 1.167 bez korištenja sigurnosnog pojasa (101 manje), 218 bez položenog vozačkog ispita (16 manje), a 212 vozača je učestvovalo u saobraćaju bez važeće registracije (25 više).

Zbog kršenja propisa iz oblasti sigurnosti saobraćaja uručeno je 13.729 prekršajnih naloga vozačima (741 više u odnosu na novembar prošle godine) i podneseno 18 zahtjeva za pokretanje prekršajnog postupka (sedam više).

#### 3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca novembra 2013. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.125 prekršajnih naloga (2.225 više), upozoreno je 537 vozača (28 više), a specijalnim vozilom "pauk" premješteno je 225 vozila (54 manje).

Najveći broj vozača koji su vozila nepropisno parkirali i prema kojima su preduzimate odgovarajuće mjere, evidentiran je na području općina: Stari Grad – 1.506 uručenih prekršajnih naloga, zatim Novo Sarajevo – 1.204.

U pogledu kontrole pješaka, uručena su 143 prekršajna naloga (jedan više) i upozoreno 109 pješaka (26 više).

#### 4. ZAKONITOST U RADU

Tokom mjeseca novembra 2013. godine, registrovana su dva napada na policijske službenike Treće PU (jedan manje). U napadima su učestvovala tri punoljetna lica koja su lišena slobode.

Policijski službenici su u devet slučajeva opravdano upotrijebili silu (sedam više):

- fizičku snagu i sredstva za vezivanje – devet puta  
Prva PU (PS Centar)- pet puta  
Treća PU (PS Novi Grad) – tri puta  
Četvrta PU (PS Ilidža) - jednom

Tokom mjeseca novembra registrovano je 27 predstavlki na rad službenika policije među kojima je za šest predstavlki (osam manje) data saglasnost za sprovođenje unutrašnjih istraga, a za 21 predstavku je donesen zaključak da je neosnovana.

Postupano je po 20 predstavlki iz ranijeg perioda, tako da je razmatrano ukupno 26 predstavlki (pet manje).

Okončano je pet unutrašnjih istraga, među kojima su dvije bile bez dovoljno dokaza, dvije neosnovane, dok je u jednom slučaju predstavka osnovana.

Takođe, uz saglasnost Ureda za pritužbe javnosti, postupano je po sedam raznih akata.

#### 4.1. PRAVNA REGULATIVA

U vezi pripreme zakonskih i podzakonskih akata provodile su se konsultacije i održavali sastanci u cilju usaglašavanja konačnog Prijedloga Uputstva o postupanju policijskih službenika MUP-a Kantona Sarajevo prilikom vršenja uviđaja saobraćajnih nezgoda.

U vezi davanja stručnih mišljenja i prijedloga za konkretnu problematiku, dostavljene su primjedbe, prijedlozi i sugestije u vezi Nacrta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prevozu.

#### **5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu novembru ove godine evidentirana su četiri djela regulisanih Zakonom o nabavljanju, držanju i nošenju oružja i municije (jedno manje) počinjena od pet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 12 pištolja, deset pušaka, 12 „noževa, mačeva, sablji i slično“, 4.063 komada municije raznog kalibra, tri boksera, dvije petarde, itd.

Takođe, tokom mjeseca novembra organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – jedan komad,
- mine, granate, trombloni i sl. – četiri kom.,
- municija raznog kalibra -169 komada.

U izvještajnom mjesecu fizičkim licima izdato je 66 odobrenja za nabavku vatrenog oružja (17 više) i 73 oružna lista (jedan više).